

般泥洹後灌臘經

西晉三歲竺法護譯

聞如是一時佛在舍衛國祇樹給孤獨園與摩訶比丘僧諸天人民共會座說經阿難前

長跪叉手白佛言天中之天欲有所問願佛說之若佛般泥洹後四輩弟子比丘比丘尼優婆塞優婆夷四月八日七月十五日灌臘當何所用佛語阿難灌臘佛者是福願人之度者各自減錢寶割取珍愛用求度此之福當給寺然燈燒香用作經像若供養師施與貧窮可設齋會不可貰許然後不出此爲現世負佛自是心口所作當得妄語之罪所以者何爲佛投槃作禮以五種香水手自浴佛師達覲呢願當此之時天龍鬼神皆明證知此人出五家財物侵妻子分用求福利而反不出當有五罪入三惡道何等爲五一者財

物日減二者喜忘遺三者胎生所向無利四者入太山地獄中被拷治苦痛難言五者後世來生或作奴婢牛馬驥駢駘或作猪羊是爲五更羅三惡一者爲入薜荔中作餓鬼二者入禽獸作畜生三者泥犁中當更十八

地獄罪不可數七月十五日自向七世父母五種親屬有墮惡道勤苦劇者因佛作禮欲令解脫憂苦名爲灌臘佛者天上天下三界之王不食世間人民也其物皆衆僧分之不應獨取是爲大罪若無僧可分施貧窮孤獨羸老是種善根諸弟子聞經歡喜爲佛作禮而去

般泥洹後灌臘經